

Sakspapir

Saksnr	Utvalg	Type	Dato
113/16	Formannskapet	PS	19.10.2016

Saksbehandler	Arkiv	ArkivsakID
Olav Mongstad	FA - S81	16/929

Biovekst i Hordaland, spørsmål om deltaking i prosjektet

Vedlegg:

Prosjekt Biovekst i Hordaland

Framlegg til vedtak:

Austrheim kommune blir med i prosjektet «Biogass i Hordaland. Kostnaden på 40 000 kr vert teken frå ansvar 803, teneste 3250, tiltaksarbeid. Ved eventuell representasjon frå Austrheim, vert ordførar med varaordførar som vara valde.

Formannskapet - 113/16 - 19.10.2016

FS - behandling:

Rådmannen sitt framlegg vart samrøystes vedteke.

FS vedtak:

Austrheim kommune blir med i prosjektet «Biogass i Hordaland. Kostnaden på 40 000 kr vert teken frå ansvar 803, teneste 3250, tiltaksarbeid. Ved eventuell representasjon frå Austrheim, vert ordførar med varaordførar som vara valde.

Saksopplysninger:

Bakgrunn

Samferdselsutvalget i Hordaland fylkeskommune har vedtatt å lage ein ny strategi for auka bruk av biogass som drivstoff i Hordaland. Frå før av har Bergen kommune vedtatt å byggje eit biogassanlegg som skal produsere biogass av kloakkslam. Same biogassen har fylket vedtatt skal brukast i gassbussane i Bergen. Biogass kan også erstatte naturgass på andre kjøretøy og fartøy som nyttar naturgass, som til dømes ferjer. Med basis i dette har HOG Energi over lengre tid hatt samtalar med aktuelle aktørar som alle er interessert i å bidra til ei sterkare satsing på produksjon og bruk av biogass i Hordaland.

Gjennom prosjektet «BIOVEKST I HORDALAND» har regionen eit unikt høve til å setje i gang eit

konkret tiltak som kan bidra til lågare utslepp frå trafikk på land og på sjø. Dette kan også føre til ny verdiskaping gjennom lokal produksjon av eit fornybart drivstoff.

Prosjektet siktar mot eit totalt budsjett på kr. 1.650 mill. For å sikre nødvendig framdrift i det vidare arbeidet er prosjektet avhengig av bidrag frå dei aktuelle samarbeidspartnarane. Det vert søkt om eit tilskot på kr. 40.000 frå kvar kommune som vert med i prosjektet.

Følgjande kommunar har førebels sagt seg interessert i å delta:

- Austrheim
- Bergen
- Fjell
- Lindås
- Os
- Stord
- Øygarden

I søknaden er det og tatt med samarbeidspartnar utanom kommunene:

- Gassnor
- Lingalaks
- Høgskulen i Bergen

Vurdering

Prosjektet er lagt opp til avsluttast i november 2017. Det vert peika på at i Sverige var kommunane og dei regionale avfallsselskapa, sentrale aktørar som hadde hand om råstoff til biogassproduksjon. Lingalaks som er med i prosjektet er ein oppdrettsaktør. Dei ser dette prosjektet som kan gjere seg nytte av slam og dødfisk frå laksenæringa.

Gasnor er eit gassdistribusjonsselskap som ser potensiale i å distribuere biogass. HOG Energi har arbeidd med biogass gjennom 15 år og er sentral i dette arbeidet. HIB er ein viktig medspelar gjennom sin tilgang på ingeniørressursar og denne utdanninga.

Hordaland fylkeskommune har ansvar for kollektivtrafikken og ser potensiale i endå meir satsing på gassbussar og gassferjer.

I vårt område er det NGIR som samlar inn slam frå hushaldningane og næringsliv. I tillegg er og Johnny Birkeland ein aktør på denne marknaden i regionen. Desse to vil derfor vera naturlege samarbeidspartnarar i prosjektet.

Rådmannen meiner det bør vera politisk deltaking viss Austrheim skal vera representert på eit eller anna nivå i prosjektet. Ordførar med varaordførar som vara bør vera kandidatar frå Austrheim viss det skal oppnemnast representantar.

Miljø

Dersom ein lukkast med eit slikt prosjekt, vil det ha klare miljøgevinstar. Sverige har i flerie år hatt ei større satsing på biogass. Det bør vera eit mål at Hordaland fylke etter kvart tek i bruk biogass på

bussar og ferjer.

Økonomi

Skal Austrheim vera med i prosjektet, må kommunen stille med 40 000 som bidrag i prosjektet.

Konklusjon

Rådmannen tilrår at Austrheim vert med i dette prosjektet. Kostnaden 40 000 kr. vert teken frå teneste 3250, tiltaksarbeid. Det er budsjettert med 525 000 kr., hittil er det brukt ca 50 000 kr.